

蘇魏公文集卷第一

古律詩

南郊大禮慶成詩五首并奏狀

元日鴻慶宮朝拜二十韻

恭和 御製賞花釣魚

恭和 御製上元觀燈


恭和 御製賜太師致仕文彥博

恭和 御製賜太師致仕文彥博

謝賜 御書詩五言十二韻

卷一

一



皇帝初郊大禮慶成詩并奏狀

恭謝慶成詩十韻

進南郊大禮慶成詩狀

右臣伏以禮行于郊由古謂之大事祭得其道先聖著于格言 皇帝陛下受命皇穹繼昭 仁考爰初纂嗣不忘丕承大報園丘恭展三年之禮祇見宗廟遍祀八世之靈至于朝享道官肆赦端缺奉事長樂尊上冊文惟是親行之儀莫非盛德之事上意專懇熙事備成宜有詠歌被之金石臣幸塵詞館恭覩禮

文思所以摠彙精微形容萬一愧無鴻筆添潤之美徒有蕪音累句之慚出于至誠不敢自蔽謹夙夜齋祓課成大禮慶成詩五首繕寫隨狀上進干瀆宸嚴臣無任惶惧屏營之至謹奏

大禮慶成詩五首

唯宋五世將郊恭元祇若前典欽崇道尊其日吉午天時薄寒帝出齋復朝神紫垣降輅就次被龍搢山禮荐蒼玉樂歌太安酌以瓊醴羞以靈飴御來格上誠益虔思我基命系于帝軒真祖膺符錫類貽孫

皇繼其志受祉彌繁炎：景歷億萬斯年右朝享景靈宮

天命有宗系軒纂唐祖武宗文積厚流光奕：清廟

八祐同堂五時備享百順儲祥 皇帝孝思明發不

忘躬執圭瓚再荐嘉觴公卿陟降鼎俎芬芳廣樂九

變羣神迪嘗昭我先烈輯熙萬方永思繼述成不敢

康始朝于廟詩歌嗣王烈祖在天保佑我皇右享薦于太廟

唯皇繼天宅位三禩靈德及遠嘉生茂遂仲冬月良

一陽氣至上將告成禮嚴肆類自廟俎郊萬靈拱衛

天收宿零日麗佳氣月踰既望再告午陛對越蒼祇

配以太帝奠玉酌匏非煙燎幣志盡虔恭備成熙事

玉輿旋衡歡聲沸渭皇專乃成誠下蒙厥惠右有事于南郊

帝陟園丘天降之佑嘉與士成均承福祚還御端闈

躬布皇度雜星驗占鵠書臚句慶洽天淵恩霏雨露

滌垢弃瑕蠲祖薄賦三泉靡封五刑幾措大和充塞

羣心率籲自古無赦孰除詿誤我朝本仁寔清弊數

赦匪其私仁則有裕萬民以懷邦基鞏固右賜赦宣德門

大孝尊親治本人倫自家之政所以刑民天正元日

帝郊畢裡將崇母儀爰即嘉辰正朝乾闥羽衛星陳

金石既作公卿薦臻帝步西序躬咨爾臣授以冊寶
極其禮文羣官在位靡不懽忻謂天子孝感于人神
祝天子年後于靈椿皇心匪懈聖度惟新

右蘇冊文
德殿

元日鴻慶宮朝拜二十韻

皇祐三年任南京
留守推官

上國房心次仙都太紫薇驛門開倣雉金闕立如暈
昔聖躬三祀乘時動六元奠圭渦曲已鳴蹕渙陽歸
孚號興王澤尊名象日畿經營原廟制霞輦上天威
祖系崇軒鼎宗初奉漢衣豫遊恩甚盛謁款禮無違
却顧和鸞跡咸嗟歲序非璿源流永上堯德冠魏上

我后遵鴻烈聲明極範圍乾坤扶寶曆日月拱琳扉
朝會元正始班聯內著依叙官風憲肅就列羽儀輝
北面高兮鄙東隅斗轉机寒銷冰玉砌風遠大龍旂
瑞色花藏綠歆聲霧散霏未竣真館集遙仰帝陽晞
至治尤遐邇先猷重蕝揮邦人後望幸延首向端闈

恭和 御製賞花釣魚

四照仙花次第開上林重覩扁車來雨晴馳道紆天
步風引濃香到壽杯瑞燕入簾時拂掠恩魚窺釣更
徘徊柏梁絕唱容賡綴獨愧非才亦與陪

恭和 御製上元觀燈

元豐五年正月果仲行押伴高處賜宴樓下賜詩

寶杯蓮燭艷宮臺萬戶千門午夜開樓下舞韶清吹
簇雲間鳴蹀翠華來九賓宴集占風使四近班陞御名
夏才自愧周南獨留滯十三年隔侍臣盈

恭和 御製賜太師致仕文彥博五言六韻

詩一首

曉日清明霽華林物色新詔頒慈惠宴恩厚老成人
衰冕三川容杯觴四府臣獻酌同飽德愷樂盡含醇
帝惜營邱去民思尹氏均宸章一褒賁道不愧如仁

恭和 御製賜太師致仕文彥博七言四韻

詩一首

出處逢時道不殊當年功立老間居來膺冕紱三公
命歸奉雲章五色書社稷元臣名已遠山河雄鎮寇
仍疏瓊林詔餞衣冠盛豈止都門百兩車

謝賜 御書詩五言十二韻

聖學天文綴宸文日又新因搗錢牙管分賜挈囊臣
玉几繡經暇瓊宮錫宴辰清躬忘旰吳霽藻出絲綸
才賞唐詞客人祿賀季真開編掇風什洒翰落霜筠

楷法前無古書評妙入神良慚孤陋甚獲對寵光頻
得異登牀誚歲過韞匱珍護持同始卒荷載等官是
職幸聯簪筆憂嘗念負薪惟勤黃卷業仰答大君仁

進 皇帝初郊大禮慶成詩狀

右臣伏覩今月十四日 皇帝恭祀南郊禮畢者三
歲一郊漢唐以來為定制二儀並侑祖宗之世皆親
行蓋王者謹于承天而經典重于享帝國之大事茲
寔為先伏維 皇帝陛下稟克舜之聰明監夏商之
忠敬明德卹祀靡神而不宗精意日禋無文而成秩

爰卜天正之吉躬修郊見之儀前詔攸司聿遵先典
內則稟訓于父母外則詢謀于迓臣祭于園丘遵奉
兩行于宗祀祭熙寧故事當合祭于園丘遵奉元富
媪之良徧六宗羣神之祀義兼聖孝禮盡情文瑄玉
嘉牲合二精于志物黃鐘太簇備六樂于神祇燎烟
配黎而四施休氣鬱蔥而竟夕膺萬壽而禔百福藪
慶于三宮暢九垓而泝八埏覃息于庶物臣親遊熙
且叨領近司從警蹕之奔趨望廟卹之陟降贊盛德
之事豈莫究于儀形所與之人言輒載于歌咏願慚

鄙俚難追謫何謹夙夜齋戒賦成 皇帝初郊大禮
慶成七言十二韵律詩一首繕寫上進冒黷冕旒臣
無任惶惧屏營之至謹奏

皇帝初郊大禮慶成詩

六帝貽謀聖繼明兩躬崇祀上躬行熙壇初展巖烟
報觀盥三終孝享成仰法祖宗尊本始致隆高厚曆
純精告虔並荐圓方玉在滌交充繭栗牲吉土地南
殊漢時景去迎主協周正羽旄備物甘泉伏觚陛層
埃委粟營齋復累朝思志意真廷穀旦奉粢盛八神

警蹕歐氣沴九陌梯航入貢普過廟徂郊紆步武撒
茵停蓋肅公卿服裘尚負遵 製配冊修辭正重名
篆鼎割烹工奏夏午階登降斗旋衡先時非霧滋鱗
隱竟夕祥光燭縵城鐘靈四廂庭樂畢樵蒸十石燎
烟輕龍回雕輦昇曉闕雀負恩書下彩楹海外雜星
占津霈樓前鼙鼓震霆驚風雲氣應靈臺候雷雨仁
深杆園清有昊感通欽輔德聿德寅畏念持盈芻求
遺逸搜岩穴寬赦祖逋惠隸氓天錫泰元神策瑞民
歌華泰歲豐聲老臣扈從知何補敢次輿言頌太平

恭謝慶成詩十韵

嘉祐元年九月代劉相作時二輔皆有詩議者云皆不及劉公者公聞之日某久不

事筆硯此親情蘇校勘所作也人嘉其不揜善

聖孝當天世，繼明兩全能。享祀交行路，朝躬款三年。

報齋復先端，七日誠穹厚。博臨通彤享，祖宗嚴祀極。

專精冕章從，質更新製鐘。雲鑑純復舊，聲

先是命禮官重定衣冕制度務

從簡質仍詔用旧樂

舞佾前陳，徽烈茂燎。烟升達上儀，成不祈。

厚福歸諸已，務達庀恩及庶氓。還御端闈，字大號載。

頌元歷，慶鴻名。歡誼沸渭盈都輦，協氣勇流浹海瀛。

百辟旅庭紛岳抃，四方延首效葵傾。帝心愛鞏常無。

急億萬斯年享治平

蘇魏公文集卷第一

蘇魏公文集卷第二

古詩

送鄭無忌南歸

送王秀才出京

和邱與叔秘校諫寶寄林成之進士

送閻秘臣宰雋都

天禧寺竹

寒食後一日作和林秀才

暮春與諸同寮登鍾山望牛首

首夏即事與邱與叔同韻作

與諸同寮偶會賦八題

與邱程凌林四君同賦食河豚

遊保寧院練光亭同邱程凌林四君分題用業

字韻

詠邱秘校山水枕屏

和林成之五題

送鄭無忌南歸

我家本南閩家世若鸞寓侍親從宦遊東西廷者屢

因循歷年載未識南中路間歲至都城始與里儒遇
嘗聞閩中奇英雋所萃聚山川降靈氣稟肖特魁梧
往在祥符中黃李稱獨步當時盛文物在建克振鷲
二子邁其間軒、並鑣驅得志何所如康莊躍騏驎
時文變新律高辭無累句人傳多婦碑朝奏客鄉賦
奇器擅圭璧至音有韶護當宇喜同時士林爭景附
淵澄或無魚木秀乃生蠹磁甃士之美入朝常見惡
牀才亦稍廷秘書觀四庫命窮時不偶伶仃獨翁孺
名益鼎甲貴官止徒勞污蹉跎三十年因躓卒顛仆

伊予生後時舉頌全企慕鄭子乃其甥肖顏何穎悟
讀書博而詳措辭亦能粗竭來至京國首與予款晤
吾嘗念古昔人矣猶愛樹况遇美之出何必緣雅素
從遊遂無間往來靡常度近遭試秋官報罷不知故
飄上嘆窮途歸索不能具当路少知己腹心誰可布
我嗟近世人豈何足數見善不能賅徒然共焦臭
士有憂憂困岂嘗一蒙顧勸君自求已何用頻齟齬
還家樂詩書卷心益堅固無因一傷手乃欲改前措
澤豹未能文尚能隱深霧翳禽戢其翼久亦蒙傳羽

去况子氣方剛丁辰年未暮勉信予言勤已蹈前
趨更想渭陽美懷道當有選王忱希范竄羊曇宗謝
傳武子稱衛玠逢時乃騰鶩深源賞康伯傳經有訓
註子其慕斯人戒我悖向素還來取高第擢俊膺帝
顧更羨翁孺名後來益無福作歌送子行予言岂虛
諭

送王秀才出京

都城大雪酒價高我送故人傾濁醪酒闌冥杯欲話
別不覺心中生鬱陶丈夫聚散岂為念所嘆人事多

憶昔我年未弱冠西來觀苑遊神臯金門獻賦嗟失
路因循四載何所適京華碌_々少知己但聞嘲弄聲
嗷_々今年詔書恤西事大開言路丞羣髦因思平生
負氣概臨事始可觀持操長纓鬪勇豈無策計慮未
獻徒心忉感君壯志正凌厲術業沉完鈴與韜上書
論畫兵家事直請西去觀鞬橐又言若將衆十旅可
為手足除紛搔踰時待報不聞命西秦便欲從遊遨
束書携劍瞥然去却顧名利輕如毛我謂方今正急
士帝言屢下搜英豪公卿悉意奉詔旨推美好士如

干旄勸君失意且韜養有能必見時稱褒中朝列爵
本取衆進任將相皆儒曹一時未遇何須嗟吾輩豈
久居蓬蒿後勞

和邱與叔秘校詠寶寄林成之進士

天下豈無寶此寶常曠之渾然肖天真不與璆璠襍
萬產蓄精粹百靈常護押天王得而興人世豈盡
問將安所施邦國凭鎮壓問誰能為售靡物可酌谷
孰嗟道不行將以補千衲孰憂大厦摧用以支衆庠
在昔夏及周相繼登天榻搜索罄寰瀛異物悉歸押

萬玉會諸塗九鼎安于邦人神為交欢海岳在呼歛
无遠不奔趨无強不折拉區、霸者君猶能救收扱
譬夫至音奏所听終鞿鞞晉強由一戰齊盛成九合
小邦願輸幣鄰境求盟畝至寶既見用光價日以洽
豈若秦與趙爭璧相蹂踏其下數十代交功事矛甲
月捨亦异道盛衰世相替得之權網震失之基本塌
吾君系皇統威稜海隅匝大器固神扁眾竒萃縵匝
山瑰及海靈盡獲諸羅罨揀金積礫中或不間砂鑛
求球淵泉底或見取虛蛤珉石為珍藏理寧斥珪珎
其間偶弃遺誠堪為嗟歎或是選擇殊非由道路狹
淵哉二君言相投予意恰誰能惜其辨九重貢君闔
上以啓聰明次以廣開納奠于涓塵中收拾秘箱笈
明時寧自疑本無双則法

送闕秘丞宰零都

江西剝藩日南康其山空青水貢漳環封千里十巨
邑、皆萬室居相望地穷吳境雜楚粵民生精急於
豪強積奸彘訟狂成倍吏治紛擾多顏網緩其術轡
乃縱弛繩以密網還滌彰中和之政固難立要在教

化完隈防尔来守宰犹御名上捧長人之計非尋常儀
上文君闕且敏風韵粹絜會珪璋昨役筦權荐稱最
就委墨綬霄以旁周才治劇有餘地猶以騏驎騰康
莊牛刀嘉驥解衆理排擊曾未嬰銛鉞聲華早已振
朝宗群公祿薦交封章況今知己正當路拔擢矣俊
登周行謂宜平步陟清要何乃遠官天一才平時俊
人用周履詳試政事觀循良毋嗟邑令尚沉滯昔矣
為吏多踐揚漢庭卓魯終作輔孔門言季俱升堂于
時百里振嘉譽逮今史簡傳清芳勉哉遠繼數矣迺

翔
坐使慈惠流江邦改成費代奏丹宸行吳臺閣着個

天禧寺竹

萬箇琅玕碧兩傍蔭潭沼蔽深蔽岩麓幹直露雲表
剝影下交加山房上環繞昔嘗止鳴鳳今肯栖凡鳥
筍抽危種瘦籜陸孫枝小美勝會稽箭珍逾汶易篠
兔園名非奇渭川比終少樵剛艸根變客玩茶烟燎
創亭僧意高諭佛禪心了吾愛有霜筠一到忘昏曉

一本云每來到霜
筠愛玩忘昏曉

卷二

寒食後一日作和林秀才

寒食初過一百五陌上風輕飲微雨宮花鋪綉淺深
紅蜀柳垂絲千萬縷都人士女趁時節郡圃山榭樂
樽俎官教容易度春光來日清明更妍照

暮春與諸同寮登鍾山望牛首

清明天氣和江南春色濃風物正繁富邦人競遊從
官曾幸多暇交朋友相逢益驅出東郊乘興遊北鍾
陟險不蠟屐扶危靡措筇上登道林祠俯觀辟支峯
辭山次阡陌長江遠提封肖條舊井邑茂盛新杉松

攬物思浩々懷古心顯々念昔全盛時茲山衆之
天對双闕霸業基盤龍六朝遞興廢百屋要衝
人情屢改易世事紛交攻當時佳鹿地一旦空遺踪
惟有出岫雲古今無變容

首夏即事與邱與權同韻作

朱曦漸永煩暑添薰風當晝飄前檐庭幽門邃塞帷
簾景物軒豁又覘々方池綠堂波文恬兩傍森々生
葦蕙新荷未展排青尖上下交映開鑑奩園林果實
繁李探原野麥秀勝稻穠群飛衆走羽毛多求陰息

影愁烹爛江南鬱蒸非類疢時豈早熱一心慊忻
咲語喧閭閻言此豐歲將飲饜正陽用事何太廉乃
使陰沴相陵詹正當汗浹締衣粘淒風忽生增續織
淫霖旬日橫流霑市井郊郭皆滄淹林篁墜落誰撐
擗麻麥散亂如剛鏹斯民愁嗟言成誦我時憂思坐
閑欄方食不知味苦甜整齊几案抽書籤登策一以
天人占少陰乘陽時最嫌小人當此多欺儉君子遇
之難懷謙天道玄遠誠可瞻上日高明下沉潛四時
中分寒與炎一氣不可相并無推本事理知恚熾灾

害所起由清漸豈非奸孽當除穢又非直道傷詖論
孰居鼎鬲調梅藍孰任闡闡懷韜鈴聖皇言動謀于
僉布為利澤濡蒼黔將消祲沴頻深砭感君冲氣安
危咄嗟：直口不可鉗誰當一探龍頷鬚

與諸同寮偶會賦八題

不期而會

汎交以勢利君子期久要道義苟契合出處無阻達
龍興雲必從宮鳴商亦調樂裁此席會固非夙相招

待燈

黃昏蝙蝠飛空堂
蟋蟀吟相對語未闌
不覺更漏浸
呼童持短檠
注以蘭膏深皎皎
見寒光良宵愜予心
坐久月初上
為軒微雨過
初夕涼風生
兀坐正幽寂
雲間月華明
移榻向寒階
遙望孤蟾清
所思故人遠
對此傷予情

邑暑獨宿

常賦士衡雲
魚懷惠連雪
庭前聞青唳
天外見寒月
舞愛素琴橫
飢思朝露潔
聞尔誰為羣
威鳳在丹穴

府庠小治

面向秦淮流
背枕清溪水
当軒觀未足
鑿沼近可擬
月明練光寒
風動漪漣起
不用植孤蒲
惟將鑿客止

華葦竹

竹性本孤潔
况在祇園中
經年映華宇
永日吟清風
心靈道大合
幹直賢人同
雪滿任摧挫
寒姿獨清葱

秦淮柳

古樹枕淮流
橋邊與亭畔
借問植秦堤
何如在隋岸
南朝正佳麗
綺陌多板玩
嗟今非昔時
棠悴俱可嘆

登賞心亭

秦淮接長江浩：流不已為亭出城角四面盡湍水
山川孤雲飛檻閣清風起望遠何所思故人在千里

與邱程凌林四君同賦食河豚

水族誠萬種茲魚非衆儔形龐而殊味異名與畜豕
伴江南水風和乘時沂江流貪婪尔之能腥臊固相
投膨：逞怒腹駢競與頭靡因筍梁獲漫污筌餌求
靈傳百金貴不充四時差假以薑桂芼薦之尊俎酌
飽飲有奚適色藏乃為憂嗟予鄙异食顧此偏憎尤
河魴風陳詩蝦蟇訊柳州腊毒戒厚味茲言實嘉謀

盍投會稽檮更垂渭濱鈎一釣蓬山鰲復連東海鯨
割鮮輕屠龍和羹小函牛誰同厭若魚何必誇若鱠

遊保寧院練光亭同邱凌程林四君分題用

葉字韵

寺本梁瓦棺地隣吳建業何人

太上御名

靈亭勝概壓危

堞岩局豁常開江練靜相協洪濤雖震騰迅流終安
帖遠窮滄溟盡近與長懷淮接水色古今同潮声朝
暮憎中間數洲渚來往拏桴楫搖声鳴榔喧渡閣孤
帆怯到此是安瀾游人无病涉滿檻霽光浮平林風

勢獵黃昏烟引素清曉波成褶歸雲閑自斐列袖平
如鉛秋岼狎鷗鳥春城噪披頰園橘冬垂丹隈榆夏
飛芙蓉竹徑粉筠墜松梢飴露浥老松倚軒簷幹勁如
雄俠野花開黃紫格頑若婢妾烏觴歌柳枝江人憶
桃李往事杳難尋款問言成喋惟惜建邦都形勝敵
岷鄴後人奉竺乾剏寺拋山脅邑居正佳鹿棟宇爭
焯焯山遊鸞鷲羽池變灰劫鳳去臺遂空國移人亦
惜興衰既代謝榮悴固相踵幸今明世逢早蒙湛恩
決安堵四民居飽食千僧饒吾儕正間暇來遊失疲

藟心朋況遶從雲梯屢欲登躡山川思慮清風雲抱
懷愜百里見毫厘萬象入眉睫南望牛首岼双闕儼
重疊却視虎踞基石城猶岌業北阜盤虬螭三山樹
矛鉞風流非昔時事跡者載牒開尊忘醉醒縱論鄙
嚙躡念當時值泰豈嘆徑未搜經綸苟韜藏鼎飪終
調燮攬景且流連無為利名攝

詠邱秘校山水枕屏

遠山近山各奇狀流水止水皆清曠烟雲到處固難
忘筆墨傳之尤可尚古人銘枕戒惡邪高士省屏助

幽況左有琴書右酒尊
急偃勤興時一望

和林成之五題

客來

有客過我門
開顏喜相見
貧居何以待
案上書千卷
高論到古人
終日是忘倦
非同豪富家
絲竹句飲讌

城南

心樂郊原景
人應似我稀
城南時一到
山寺幾忘歸
新竹當行徑
飛雲忘客衣
誰能咏招隱
向此息塵机

江止

何處偏傷江上春
天涯失意未歸人
片雲極望添鄉思
孤棹隨波寄客身
塞雁來時憑遠信
海鷗馴處見吾真
休嗟進取無成去
幸有榮名足慰親

西鄰

西鄰擊鼓北鄰听
飲馬持戈密相應
一朝奮躍事爭鋒
朔氣充盈誇戰勝
中原太守日已久
刃頓兵闕空細柳
二糧款附歲奔馳
相載金繒萃淵藪
飲肥服煖四十年
但歆色藏忘德厚
謀夫憤壯士憂
屢猷忠言曾苦口
庶堂高論正無憂
肯向平時議攻守
朔方

三十有六郡戶歛家輸佐行陣非無碩畫破妖巢直
遣萬里威稜振皇天愛人猶赤子縱歆馭之言亦詎
彼方束手听誓盟重獲歲時賫琛賁斯民懷德樂休
兵戍卒歸來解鋒刃皆言隣徼復清夷嗟哉異類終
難信

惜別吟

丈夫豈無淚不學兒女悲今日獨潛然為別良交知
交知不易遇一別會何時念茲出門去空有長相思
非無樽中酒亦有桐與絲未飲先嘆惋歎歎還喑噫

誰能諒予心惜哉此別離

蘇魏文公集卷第二

蘇魏公文集卷第三

古詩

題畫草虫扇子

清暉茆亭

逢錢澹詩僧

聞蛙

和邱林二君會程坦之家二詩

奉陪府公賽雪橋公廟紀事呈伴幕諸君

送趙君叔中歸福唐兼簡陳季中

送許當世職方通判泉州

和胡侗學士游西池書事

和胡侗學士紅絲桃

即席分韻送秀才元學士守臨邛

和諸君觀畫鬼拔河

補和王深甫穎川西湖四篇

刁景純李士寄示嘉篇述前後過穎之樂曲

蒙推獎感嘆不足輒用本韻通成五十仰

答來貺

省中早出與同僚過譚文思西軒咏太湖石

送朱郎中壽昌通判河中府

寄題徐郎中鄱陽高屋望雲臺

秀才石君子同年子也携書見投重之以歌詩

意甚勤厚其歸也遯予言為贈因作五

言以勉之

石縫泉

題畫草虫扇子

螺飛蠕動誠微物尺素輕盈誰畫出一朝君手持動

搖猶似吟風欲跳逸竹稍草際弄輕翰水墨淺深見
纖質昔人徒愛明月詩何似今者老師筆

清暉茆亭

山僧御亭山之麓旋結茅蓬架園竹千年巖樹怪枝
虬千卧危池春水綠閑移賓榻向松軒一座清風香
馥郁誰為漱石枕流人老此優游避喧俗

送錢唐詩僧

把手忽相逢開談究詩義予雖浮屠力乃抱風騷志
錢塘佳山水一日助清思何家堪懷飛來峰下寺處

聞蛙

畫邑何可恃喧、矜善鳴不知穢汚質羣沸沼池清
遊子得無淚羈人若為情華堂有絲竹乃厭爾靈聲

和邱林二君會程坦之家二詩

春晚寒不已節候差季孟木行怯初陽水官恣餘橫
滂沱連月雨愁嘆斯民病已奈四時和更傷羣物性
園花半零落猶逞晨粧靚隴麥將痿摧况值風威勁
我願天地心慎舉陰陽柄十雨應太平時豐順睿聖
庶令痲疹消冬保寒暑正無復三月中憐、行冬令

天涯人未歸飄然江海上客心遽任風歸路萍隨浪
青雲少知己白首多罹謗著書見窮愁倚門知抗讎
皇、千名祿戚、且羞讓豈特為身謀可懷慰親望
昔人在困蹟寧復論得喪君徒抱道義豈不保趣向
勉希一簞矣無慕千乘相筌各有時出處當自諒

奉陪府公賽雪橋公廟紀事兼呈伴幕諸君

北走出都門寒坳冒初雪言瞻漢三公嚴祠奉遺烈
禮惟未行春首茲荐腥血念昨冬德陽時風少凝冽
長人惜燠苗坐閱苦憂悞遣史造灵宇精心致宵燭

冥感不踰旬同雲凝結旬畿千里間涿洹徧農暇
兆于豐年祥倉箱行可閱報祈祀則然况乃人望决
前期告祝史按令肆儀薦俎豆載博肥尊壘泝芳餼
朱轡朝暫行騎从紛交列雍容幕府盛陪預愧蒙拙
聯行趨闕宮就位修罄折拜望已告震嘆詠想奇節
惟昔漢之紀季奸雄逞权譎公初任初郡超然脫羈
紲敢犯跋扈鋒終正狡吏讞霽威遁世美先竟安民
傑舉当仇無避義在親在則滅入朝掌武事出塞受
師子胡塵息邊土夷貊竄巢穴屢進行惟危保終名

不缺世闕著廟鼎
勳庸刊冢碣
清風邇千載
血祀豈
嘗絕時其福
善事鄉人每談說
水岸或榮霄
響應甚
昭晰神實依于人
禱祀戒輕嫫
今茲罄誠祀
庶可消
青孽府公臺閣
老家聲
繼皋契
都圻出居
田條
令見
施設訖民
慈惠師事神
梁威潔威行
肅群豪
政成除
一切貳身
安邦英諸僚
亦時哲
儒雅資
綵飾吏治
賴
閑決非才
荷寬矜
幸免事
卑肩才
忻盍
簪得載
詠嚶
鳴闋期會
間亦希游
時豈輟
嘉此歲事
和樂哉
民共
悅覽古極
優游言
歸日將
暎

送趙君叔中歸福唐兼呈陳季中

趙子抱經術
儒林挺孤秀
策足入上庠
高誼諸生右
秋闈再程文
懷寶不見售
京師首善地
翹然俊賢囿
朝廷舉新詔
多士四方走
主司搜擇艱
有如羿張毅
小善或不遺
寧當舍良茂
豈非繩準高
刀尺下難就
得喪不在已
自信非我疚
歲窮感親心
倚門方遠候
都亭謝知己
飄飄拂歸袖
樂彼閭中
齒幽里中
矣友
舊且復從
其遊行
義益充
厚道存
國有用
獨善古所
陋
明時無滯才
子行當勉懋

送許當世職方通判泉州

仕宦遊故鄉古人之所訖懷祿去養親千鍾且為微
當世倅州行二美其庶幾符竹非不貴誠與雅志違
獨駕屏篋車東南去如飛所懷忘晨昏矣論官等威
遙七閩山喬木正芳菲駟馬過舊游道路增光輝
榮官足慰親佩綬紆銀緋上堂拜慶日喜氣生庭
躬扶版輿去徑入牙城扉潭：公府盛華顯猶
膳羞盈其前酒紅魚鱗肥人生苟適意富貴安所希
況今邦伯美早辭尹王畿亦從北堂養再擁双輪歸

君忻舊知己復得相親依守相同鄉州會過時所稀
純孝自感人遠近聞風薇豈徒對交親誇詆畫錦衣

和胡俛學士遊西池書事

皇都有滄地近在金商陌淵源空河汴衿帶引京索
衆沚瀉寒光一鑑涵空碧晴明天垂幕陰靄地淋漓
烟嵐隘五湖氣象吞七澤漪漣十餘里縞練千萬尺
樓殿起參差門闥開峯客人間識方壺古來慚太滬
美哉臺沼名壯我帝王宅唯昔經始謀茲見神武迹
非同泗洲濫蓋用昆夷築萬乘紆警蹕羣官扈高軌

津頭駐翠華唐中蒐赤籍水犀陳百旅畫鷁掉千隻
時多呂梁人士有中黃伯旋淵齋出沒桅墻競跳躑
鼓柁變魚鹿飛江生羽翮一時軍事嚴四表皇威赫
承平垂百年聲教重九譯朝維講文物民亦厭金羊
棲戈無復用池籞因不易年々春風暮雲々襍筵闢
曲隈柳交陰上苑花遍折舟師校滕衝樂佾鏘金石
翔翕鼓輕翰潛鱗躍修額鳴鼙促繁節陰獸盪精魄
浮吹時往來綵標縱爭獲魚龙隨受態波浪相激射
何妨試趨勇豈徒觀戲劇吾皇茲豫順庶物遂闡澤

罽圃無禁止都人任遊適輪蹄去若狂錦綉委如積
臨流錯杯盞列肆張幄帟金繒樂揮散采翠亂狼籍
嘉會此難逢良辰真可惜前日瀛洲仙碩謂同舍客
言此好時節豈當虛廢擲掩卷下直廬連鑣出東掖
郊原朋盍簪舸舫浮醪指碩集珍羞鉅飮瞻希核
暫喜解朝纓仍便平岸紗幘清波入平望嘉果富新
摘園竒插山丹水美鱸雙鯽喧呼少停樽眺覽閑信
屐畫橋跂虹霓寶殿覘楹礎再見瓊林芳重思曲江
席寵恩徒欲報願愚豈任責翩々衆翹秀一々富才

登同時致榮階云誰量遠蹏日予孤陋姿本唯一遊
植無能拾青紫有志勵冰蘖久事州縣勞已甘薄書
役公卿廣收揚文字誤倚撫得懷儒館鉛始識君門
戟何乃英俊流不以才地隔同登石渠閣共閱金匱
冊飽食任嬉遊縣官實補益所賴友矣能庶幾追隨
謫茲遊誠可樂何幸謬見擇逮賦醉言歸都忘日之
夕風雲一流散俯仰成夙昔集矣水廳郎雕章古風
格感此意稠重足成言四百記彼集間事在有如丹
在白初唯後榮現終乃發幽蹟分明指行葦暑柯見

肝鬲諸美繼佳篇仲呂和無射薛源可渺源等錄俱
善驥彼美双南金輝映連城壁樂事予同賦聯編予
有獲欽慕夙雅情慰誨詩書癖滯思豁以開遙矜聳
然釋振投愧多燕叩靈漫細繹多謝久要言贈君歲
寒柏

和胡侑學士紅絲桃

京都花品予嘗評天桃僅有十數名含絲繁艷今始
識鮮苞長蕊影紅纓春晴日暖助顏色灼、一片朝
霞輕皎綃剪碎裝綴虬鬚摘盡將紉紫因知化工

巧難狀偏于草木呈瑞精又疑華燈九光爛蜂蝶不
敢來窺爭江南萱草易滋植維揚芍藥初種成此花
皆有紫絲號恨不同時相合并君家數株蔌庭際愛
玩常挂簾鉤瓊有容風流欲寄目主人喜咲張筵迎
飛香洒翰偏得意都緣尤物牽風情我雖多病不能
飲猶思強舉花前觥

即席分韻送秀才元學士守臨邛

君登石渠閣荏苒十過春編摩業既年卒出入命已
頻人情嘆滯雅意猶逡巡矜懷恬而曠髻髮鬢如

躬隨省中籍念切堂上親前時動鄉思歸夢趨梁岷
走符去故里拜疏伏紫宸恩頒尺一詔寵駕双朱輪
朝為浮瀛侶暮作臨邛賓誰言蜀道遠自喜家山鄰
歲晏風慘、行役心欣、怡悵同舍友仇離照心人
杯行莫辭滿分携只明辰

和諸君觀畫鬼拔河

關中古有拔河戲傳聞始盛隋唐世長絙百尺人兩
朋遞以勇力相牽制芳華樂府務誇大黎園公卿謾
輕肆拔河扛鼎烏足矜引繩排根非勝事當時好尚

人競習鬼物何為亦能是展吳畫格入神品陸法尤
長寫靈異蒲津古寺筆跡奇世疑二子之紀置旗門
双立眾鬼環大石當中坐渠帥蓬頭圓目牙奮踴植
鼓楊桴各凌厲東西挽引力若停賦彩自分傾奪勢
畫來已歷數百年墻壁歸然今不廢觀風使者集賢
翁每遊其下幾忘味因令搦手裂齋紉橫卷傳者得
形似精神氣韻信輟詭豪髮輕濃皆彷彿持來都下
示朋僚一見飄然動詩思諸公詩豪固難敵形容物
象尤精緻氣完語健隼眾口二子聲名轉增貴予觀

昔之善畫者心手規撫無不至奇極怪千萬端特
出一時之用意鬼神冥漠不可結豈有便能人勇智
仙官佛像亦如斯變態隨時轉其鹿迹令來者信有
說塔廟後而增侈費後矣豈欲究端倪竟亦無由草
頽弊因知怪誕一崇長漸靡成風茲巧偽茲備他日
遂流傳更使人心惑魑魅

補和王深甫潁川西湖四篇

甘棠湖

為湖始何人曰矣物亦久所以甘棠名百年猶不朽

宜遠橋

溪流去無窮路遙更難盡信步到橋邊望中千里近

竹間亭

青々林間竹有亭才衰丈林深隔囂塵人間見高尚

明月舫

月明照寒宵湖水白如畫縱覽泊中流清光應可就

才景純學士寄示嘉篇述前後過穎遊覽
之樂不鄙震陋曲蒙推獎感嘆不足輒用
長韻通成五十仰答來貺

昔歲寓文館雅志慕藩屏嘗聞近畿州勝絕惟南潁
十年走京華官局苦閑冷欲求一麾去數奏囊章請
遠會擇茲守乘時竊僥倖君相宥儒林念久貧譽青
後蒙左符賜上戴天恩併扁舟促行役洪渠逐奔猛
飄然離塵囂有若出机穽從容光景多歷覽江山迥
去都時值秋到官月逢病此邦信名區民愿倍无警
昔守皆巨公今猶蒙鎮靖非才偶承之繼治實多幸
前矣有規模遇事見要領因茲頗閑暇得以探物景
溪湖遠郡郭臺榭跨岡嶺春媚花百名秋香荷十頃

野色連蒼蒼水容迷綠淨虹駕遠路長鷓之源流永
幽尋窮勝處登陟疲足胫適意自流連对人成詫逞
是時汴流阻北客多過境景純罷山陰前旆亦南轉
予逢丈人行再拜肅襟衿君待同舍生抗礼均儕等
公濟薦其薄主席奉陪鼎餽以清淮魚板我危山茗
西園復追隨繼日承音警胸怀坦而夷不事畦与町
杯監命鑄簡絲竹煩正訂橫笛教吹羗新声賞歌郢
善謔剽咲諧尽欢忘醉醒自茲別經秋多故值憂梗
七月會同軌遠臣傷吊影交旧少經塗酒希但靈血

兀然坐空閣何異蛙在井故人勸春賜尺書詢動靜
新詩三百言斷句露鋒穎念旧起悲傷曾遊皆記省
眷予忝疇裒被愛踰踵頂感慨知己心中藏聊自傲
景純書閣老二紀酌甲丙當年文雅譽久合登西省
心貧為郡樂荏苒屢操秉徊翔成淹留前輩今誰並
復聞乞淮藩早已飾歸艇南河如可棹北渡時引領
漢亭待清掃賓具重消整还当揖前塵晤語慰懸耿
省中早出與同僚過設文思西軒詠太湖石
洞庭山連震澤水怪石峒岩出波底誰言行遠莫致

之好事經營俄至此愛君小軒才袞丈滿地新芽菜
紅紫偶來憑檻見竒峰便有江湖秋思起

送朱郎中壽昌通判河中府

邶詩咏凱風以成孝子志鄭人復君母傳祿能錫類
中郎嘗有懷生不識可恃登朝雖厚祿當食每忘餽
念昔鞠育勞嗟今出處異翅百草搖春暉寧無謝生
乳鳥思反哺哀鳴自垂翅百草搖春暉寧無謝生意
洒血向穹壤解組出臺寺馳驅成雍郊歷訪經行地
至行感神明精神通夢寐悠々大道傍親息忽相值

紫綬拜北臺白頭歸長嗣悲忻叙契濶况如隔生事
四紀世路殊一朝板輿侍茲事昔未有聞者皆驚唱
帥首為之言詔取還官取當年二十石寵名非所利
仕或便鄉閩安用竹符使蒲中母家近自屈為伴貳
受命慙慈顏騰裝恆歸思既徇報德心亦安效官智
觴以萬壽薦衣成五綵無復興寒泉何須賦大隧令
人及聖孝善慈兩不遺贈言述高風庶用激忠義戲

寄題徐郎中鄱陽高居望雲臺

子牟在江海心存魏闕下君居雖遠方不忘朝廷者

築室負郊郭，虛堂連廣廈。浮梁江湖間，風物最潇洒。
官罷得優閒，一到休車馬。開軒命賓客，棋壺茶觴岸。
園亭坐登覽，山川入騷雅。霄漢不可跋，憐誰能捨。
目睇西北雲，丹誠此傾瀉。出還擁旌旆，歸復傲林野。
真得吏隱趣，邑累榮名假。宦遊竊細中，適意如君寡。
秀才石君予同年子也，携書見投，重之以歌。
詩意甚勤厚，其歸也，邀予言為贈，因作五言
以勉之。

石生故人子，袖書遠相遇。趨翔有父風，步濶冠冠我。

自言少也孤，奉親曲江都。區區營甘旨，靡暇謀其他。
三十未有成，無門托絲蘿。求知走四方，慷慨成悲歌。
願我舊朝家，謂能激餘波。多慚僻郡守，白趣如生何。
空持贈我句，坐閣長吟哦。方今紹唐虞，國論崇邱軻。
奉士用經術，草去章詆詬。書起遺逸章，草澤成搜羅。
高爵待俊傑，世礪鈍以磨。君子務歲器，生其勤切磋。
乘時挾才策，絕世收美科。壯懷死自忽，流年易蹉跎。

石縫泉輕清而甘滑，傳聞有年矣。前此數畝，
疎引入州治，久不克就。予至則命工人尋旧

迹相地架竹旬月而水懸听事又析一支以
給中堂一支以入西閣下其流則水醜出外
廡往來取給汲人以為利因紆長篇以紀其

功云

峨：鳳皇山有泉出其脰初微才濫觴漸大乃穿石
靈苗蔭茶積寶氣近金錫密彼淵源長茲惟雲霧洎
人傳煮茗奇味與中冷敵陸生不到此云誰能賞識
牙城據岡密旧井皆涵瀉先時屬經營曾未致点滴
及此川谷盈空為歆滄積我昨尋勝遊偶見為心惻

料公度山原奔步過門戟水道茲可行面勢正相直
前栽竹千竿接連寬萬尺沁別起中阿架空踰下稷
不及浹旬間已到堂皇側吐瀉始涓、循除俄灑、
盈科殊未止過潁非用激公堂及燕寢股引各踈脉
何期南澗流近在史君宅日用助烹爨歲儲供醴醉
冬春云暫竭秋夏多餘瀝一支出橫廊通衢見勿暮
眾器競挹郵萬口得盥滌無愧抱甕人幸寬挈壺投
嘗聞武林郡素号蓬瀛國非才叨長臨愒日苦誼劄
湖山空在望車馬難屢歷阻听潺湲声謾鄰蒼翠色

自得飛泉來頓覺煩衿釋當時兩衙退暫憩一軒息
環流隨磬響玉音聞几席塵土汨以消形容清可觀
誰中簿領中有此山林適若非仕江鄉何由見竒跡
智者必樂水君子以觀德豈徒押而翫寧嗟潔不食
良嘉上善功所至為利澤茲泉豈未大其用已為益
猶有膏潤資更期醜導力來哲倘不遺庶幾成遠績

蘇魏公文集卷三

蘇魏公文集卷第四

古詩

次韻蔣穎林金部遊介亭望湖山二十四韻

次韻蘇子瞻學士臘日遊西湖

陳和并內翰得莊生觀魚園于濠梁出以相示

且邀作詩以紀其事

次韻蔣穎林同遊南屏見惠長篇

又和同遊超化院

和三弟題七寶英師齋

與蒙城知縣陳著作同賦吐綬鳥

次韻陳蒙城金鳳堂射飲

次韻蔣穎叔亳州矮檜

暇日遊道遠臺觀南華塑像獨寘一榻旁无
侍衛前无香火對之黯然起懷古之思因
抒長句一千四百字題于臺上觀者應誦

其妄言耶

次韻蔣穎叔金部遊介亭望湖山二十四

韻

我昨來餘杭孟陬值杓建春色春正融怡皇華紆賸
眄言此佳山水巧麗極怪變有如畫屏風羅列圍四
面城南古浮菴又為一郡冠聯驅松怪中信步蒼崖畔
莓苔粘履屐虬枝拂簪弁縱覽識高深願慕增詫嘆
心迷真賞竒意竟旅遊倦物色雖難倦指注亦粗遍
樓臺亦相望無异挂盤綫向非適意遊何由盡聞見
唯昔吳越君塔廟務華煥依山鑄大像登石累高岬
經名御無已時賞費豈復算較其與地中佛寺占過半
榮華一朝盡金石空殘片款識刻排衙行不乱靈亭

復增修郡府餘壯觀故人柏臺早歲監歷殿自從
交臂來幾回傷聚散声光日以高使節復頻換江湖
偶追陪白澹停車傳聲更有山林奇期茲為適予願

次韵蘇子瞻學士臘日遊西湖

臘日不飲獨遊湖如此清尚它人無唱酌嘉句如連
珠况復相同好相應呼君常听事嗟罪孽雖在樂園
猶寡娛是社稷臣魯頌史直道自任心不紆竅愛靈
山之僧廬彼二患者清名孤案上梵夾床龍鬚炉銷
都梁饌伊蒲潔行自款敦薄夫長吟擁褐忘昕晡坐

客不設黏髒能對鏡如看方輿畜君懷經濟才有餘
名聲妖孽懲顏蘧且來山林晷遁逋更玩四管魚叅
摹

陳和升內翰得莊生觀魚畜于濠梁出以相

示且邀作詩以紀其事

公堂四合臨中衢翰林壁挂觀魚圖傳之近是濠梁
客云是蒙邑先生居先生昔仕楚園吏傲世不藪鄉
大夫消搖淮上任造適高岸偶見羣鱉魚清波出遊
正容與潭底傳沫煦以濡悠哉餌綸不可及誰知此

樂真天娛惠施好辯發宏論謂彼固异若與吾至人
冥觀盡物理豈以形質論精粗稟生大塊厥類衆合
則一理散萬殊淵潛陸走各自適天機內簇寧拘
鷲飛戾天獸易藪騰蛇游霧龜曳塗味色誰能辨帶
鹿足頸烏用嗟蛭鳧振床信美官害馬鐘鼓生樂愁
鷄鷓青寧久作竹代生變蠢虫風化相嗚呼方游溟
海大空外坎井詎能談尾閭若知无息分皆足畜南
未必勝檣榆生人均是受形氣好惡歡眷同一區死
生壽夭亦大矣自本而視矣有無方當在夢則栩栩

及其既覺还遽入榮軒冕不累性獨往丘壑非為
魚不求刻意不徇利孰是隱几孰掾梧唯能應變不
圓物天籟自與人心俱一從郢匠喪其哲狂言空見
傳于書當時陳迹復何容在有過者猶踟躕先當朝
士題詠露不見綦履空遺壘画工智巧良可尚景物
縱异能傳模古今變態盡彷彿旦暮烟雲隨卷舒遠
令都邑繁會地坐見淮山千里餘泛視既已忘物我
企想岂真思玄室惟公雅尚每耽尚持示同好良勤
渠自憐衰老喜求舊况荷朋照均友于朝陪玉堂暫

晤語暮入菓門還晏如忻然共樂濠上趣相忘正在
于江湖

次韻蔣穎叔同遊南屏見惠長篇

青山橫莽蒼萬古出南麓古剎表者闕高聲聳羣玉
居惟擇岡巒近靡數松竹郡郭路非遙遊人春不宿
陟嶽極躋坂循崖芳徑伏架筒引流泉跨嶺御名重屋
講坐擲妙嶠禪堂對枯木幽尋難屢期將往誰能獨
偶逢霜臺客暫駐驄馬足聯步訪梵林終朝走郊牧
相期方外遊頓忘河上曲夷路喜君騰高閣慚予束

更听名理言俯愜中心欲况已証真常詎止齊寵辱
願言挹清風可用警浮俗

次韻蔣穎叔同遊超化院

賢良才識明御史風望清命駕千里至穎叔自毗陵特來杭高
談一坐驚舊故偶獲道高憂自茲平竭來湖上寺共
語堂西楹念昔一交臂幾年兩搖旌契濶信靡定避
迹欣偕行日薄聊頓轡興來再充觥霜林殞丹紫泉
坻結新冰湖月金炯、竹風玉玲、峯岫對三山樓
殿如九成南州足奇麗此地尤兼并因君發藎題詠

足使增嘉聲

次韵三弟學士題七寶英師壁

岩居得幽勝俗累无憂傷
占彼鳳山脈建茲法雲堂
宵眠一毡蒲晝食幾稻粱
淨眾集善緣勇猛能自強
瑞相巖中楹梵夾羅四扇
軒窓據蒼岬松竹圍重岡
不杂人世喧更覺禪夜味
長我嘗命賓友間或携肴
觴中休憩丈室遠覽登上
方念昔保城塹屹然壯金
湯剎刹以百數息民殄千
殃爰居畫樂土利用无缺
戕遂使吳會俗長為礼義
鄉何獨竺乾域宝山清

涼

與蒙城和縣陳著作同賦吐綬鳥

羽毛之美其類衆雉曰吐綬
世尤重靈稟異來何方
有客携持世咸雍朱龍馴習
綉整調珍貴不與常禽
共庭前愛玩不能已欲買未
有千金俸一座嘉賓共
詫誇田連為倒春醪瓮送將
題目與詩人要待清才
如屈宋班曰赤肩聞花紋珠
曰明珠絡衣縫暖風晴
日正閑暇綺翼丹跌時鬢鬆
垂胡兩組錦舒張髮
双筓玉浮動倏忽披開疊勝
文蒙茸乱縮青絲綜初

疑瑞州街鶴喙又訝髦纓影馬韉行騰赤帶交脰足
羽服袿衣曳纁練漢宮綬戾何須染鄭公書帶徒勞
種引頸終盈尺寸間鏤彩盤條無缺空未容俯仰復
卷收頃刻無由蕝清哢向人頽眇且無言奮翼猶如
將告控有生之樂貴得所樂山林殊市闕斥鷃无
翔本遠萬鷓鴣社稷存梁棟不暮爰居享鍾鼓要逐
鳧鷖唼菰葑臨流照影刷羽翰朝飛求偶隨群从十
步一啄百步飲烏用樊中久羈控主人提挈誠厚息
豈若郊原使閑緹我聞章服以旌礼物有等威須折
袞鞶囊厲帶宸光華寵錫或招三褫訟唯茲異類亦
何知被服文章何所用因為灾矯性傷生尤可痛介
持一死古士摯得時三嗅子路共晉室文裘或遭焚
羽山夏翟先修貢解顏亦取如皋獲鳥罟已入王詩
諷旌旄甚盛見楚人樂綴有數聞仲嗟才用既若
斯竄伏何由脫羅網今雖窘束苦冠楹猶勝烹燂无
調供徘徊且退稻粱肥莫厭庭陰資好弄方今太平
物遂性异獸奇禽罷供奉庶民咸樂萃靈臺上苑靈
開蕪雲夢西雖既已翔振鷺阿閣終當集靈鳳佇見

觚稜神爵栖重歌蜀使碧雞頌唯爾文華國異常
矧祥荐祉宜飛虹近郊數水牧好遨遊應須一借扶搖
送

次韻陳蒙城金風堂射飲

南都綠蟻封初拆西圃芳條換新碧賓僚相遇惜餘
春樽俎留連因促席百夫決拾看何容何用娛賓循
飲格前者新詩嚴武事幾日球場較鋒鏑幕中賴有
從事美抱器逢時隼當射聊從把酒發咲談豈獨鳴
往觀射的分朋爭計算多少奔令都忘飲節拍蒙邑

丈夫富才執早擅詞林名籍、昨來州叙偶淹留幸
接話言踰宿昔行籌不必苦籌觴得隼况曾先射澤
多慚病守鮮歡悰出口无奇但暗啞貪榮窈祿未曾
歸每听春禽愁杜魄今朝何似強開顏為喜尊前有
嘉客

和蔣穎叔亳州矮檜

檜生本修直此種特殊异高不盈尋丈廣乃徧階砌
短幹自堅強附枝色交蔭翳森然葆羽歆隱若虬虯
墜不知何代有木老色弥翠嘗聞古仙者應化在茲

地手植有遺跡深根幾千歲神灵應護持道宮存款
識自茲物色繁因為圃人利封殖去地宜屈蟠因由
巧智以彼凌雲姿還同蔽年牛類拳曲如能壽輪菌
不為器誰云矯生質終亦遺世累詩伯一旬題禪龕
重增貴豈在栢檉然空傳草木記

暇日遊逍遙臺觀南華塑像獨冥一榻旁无
侍衛前無香火對之默然起懷古之思因
抒長句一千四百字題于臺上

憶昔初讀南華篇但愛闕辨如川源沉酣漸得見真

理馳騫造化遊胚渾潛心四紀不知倦問日講解時
尋溫其言无端極放肆大抵順物尤連行反六經高
深如醞釀百氏蔽偏迷躡閻伯陽語道最淵邃中士
尚或疑忘存竺乾权實信廣大妙用不出我藩垣偉
茲三篇粹精奧推本一化開幽偕反覆去孝慈去奢願
胎育仁義除詐諛情類相親自才德跽跋不立存朴
惇寓言本為大方設弟的詭難與常人論祖尚元靈
滅礼樂乖背宗旨由後昆遂矜放曠為任達由此道
真流亡返平自非通識造閔遠安能超悟还淳元大

鈞幹旋本何有相禪以種紛无垠載其形聲真暗聽
感彼氣類相嬗媛死生之辨在旦夜夢竟之异分形
魂神奇臭腐牙美惡蝸甲蛇蛻冥代迭卵胎无以易
生種風化自爾成玄蛄出入于机泯无際始卒若环
焉可捫芒乎萬致始同体明以一指弥滋繁异则肝
胆為楚越同則蕭竹猶枰棋真宰難以真跡久灵臺
莫由形器援何者非彼何者是孰為親愛孰為怨平
声六鑿相攘有利害兩溢類安成聞誼至細不必陋
蛮触倪大烏用驚鵬鯢天机所動体各適足行岂异

唾者噴外物既重内固拙无注則巧金乃殫物之儻
来莫禦止心可希改俄叱咤昏有疾無用充豚免其

迹已陳多拘燔全生难恃社之標移是不定臙者媿

昆逢真令尹鼻相、悦醜全人脰肩、反胡恩因知禍

福相倚伏故于得失無墜上音陳下音惇惟能瞻闕以生

白是乃孰耨而獸殮道非露服無不在人以德性為
之原有情有信非可致一滿一虛常不審九年大鈔
得之野參寥疑始傳諸祿締章以之挈天地堪坏以
之襲崑崙朋此南鄉唐堯帝明此處下素王尊衆人

逐物但役：一曲自守常暖。喧修躬明污躬則殆
飾智矜愚智狃昏單豹治裏外違害張毅修襟中成
強退不為冥穎陽樂盪而傷性窾水跋存二子高節
去孤竹三閭獨清浮湘沅弄世終亦餒薇蕨行吟徒
自悲蘭蓀被為禮義矯末倍猶以佩玉趨秦韃將明
是非崇世論何异狐白資緹絆禮義治則忠信薄是
非著則名寔翻尚美貴德下滋偽信賞明罰民尤冤
宋榮猶然在訛世其于毀本譽方汶門列子待風乃
輕奔豈若御辨常掀：至人達觀齊物我直往上去

唯愚范^七內通耳目外心智旁挾日月超乾坤安時
處順任天倪^詣抱德陽和遺世喧悅乎忘言喙鳴合
宵尔自靜鯢桓潘藩養生之主悟文惠治氣其勇過
孟賁形、不形晚初始物、不物隣羲軒得計弃智
任魚蟻勞形休心嗟虎猿呼我牛馬高誰毀譽為魚
鳥還潛翻其劣不屑涸徹鮒其高乃况南方鷓方其
息死樂枯蠲亦既恬生慕孤豚嘗聞蕨言乃咲杖既
見偃室聊歌魚畏龍不羨宋人乘觀雀自感雕陵樊
廣莫將植擁腫木江湖可浮瓠落樽不將不迎隨物

化一龍一蛇更蟄蛻以道泛觀未切著得時而行或
曲奉皇王上下唯變適周魯舟車殊運奔頤指不為
天下化排進人使靡人心債人于見問人影响物被
生歛齊寒煖喧賞罰九變得其叙津流萬世非吾息
相董乃合儒與墨小辨豈數衍与髡河伯不達海若
語豈知至道无穷門雲將未得鴻蒙間烏覩生物復
其根神而化之不蘊立未之尽者能誨淳悖長波所
盪滿今古异代相應猶篋壘喟予吁稟寔樗散作器
自愧非璵璠逢時偶得通仕籍微俸当與游西崑材
力未足勝蝨股取舍徒思擇熊蟠行年六十初知化
藏經十二未能緒平時有志在寥廓遇事無意從綸
昏櫻而後寧亘歲月老之将至忘寒暄盱未免囿
于物擾不異風中幡昨從京輦絳丹筆復得淮壤
乘朱輜偶逢樂歲少休息厯覽士俗因周爰提封乃
是昔仁里訪古時復登平遙城中蝶卷接蓬頭郊外
魚臺連漆園悠然清風隔千載獨有遺像當高墻山
川世异改城郭歲月人罕羞蘋蘩先生縣解出無有
後世景仰空擊奉大布廩履生弗飾邑藪朽壤衣如

瑞鳥鳶螻蟻死不避安用邱墟祀有睹虛堂生异生
存處操趣猶令貧薄敦我懷方外想音采坐視券內
歐冥煩曳塗竊企泝水釣投轄更思東海躡子葵豈
未得其道意而固願遊其藩聖人之書議者扁鈔斷
之質良在慢漢書音義 郢 作慢音溫寧遺糟魄寧咀味縱有履
跡焉投跟何當一發難免覆因而更蒸駒項轉天光
內照宇自泰人益不累中无悶云誰嗣響可晤語至
理竟亦歸無言

蘓魏文公集卷四

蘓魏公文集卷五

古詩

次韵司徒富公耆年會詩

次韵王宣猷太尉耆年會詩

次韵君寔內翰同遊景仁東園

效范景仁侍郎次韵和君寔端明長句奉呈尤

舒揚守

六月六日訪晁美林吏部越宿蒙惠長篇因次

其韵

卷五

次韻巖子瞻題李公麟畫馬圖

元祐癸酉秋九月蒙恩補郡維揚十一月到治

莅事之始首閱題名前後帥首守莫匪
一時豪傑固所欽慕矣然于其間九公
頗有夤緣感舊恩莫嗟嘆不足因作長
韻題于齋壁以寄所懷耳

累年告老恩旨未俞詔領祠宮遂還鄉閭燕閑
无事追省平生因成感事述懷詩五首
一百韻示兒孫輩使知遭遇始終之意

以代家訓故言多文不

次韻司徒富公耆年會詩

古人稱晏安居處必擇地諸公來河南有若不期會

岩之大司徒早辭槐鼎貴嘉謨納淵衷故事留臺寺

太上御名第銅駝坊開門灑水次居守德爵同位重官三

事高軒每過從縱言談道執復有鄉里美風昔承官

憲崑嶺高橫空洛波清見底履道追昔遊行事載芳

醴燕毛禮所重安車皆戾止年尊二國公齒序衆君

子願公壽千秋慰民瞻具尔三載一來朝當倍天子

祀

次韵王宣徽太尉耆年會詩

古來矣相稱高竒莫有高
夔商傅伊帝臣王佐見謨
訓千載相望如同時我朝公
輔代間出鍾秀辰象分
躔离堂、太尉寔异稟風質粹
美和而威仁皇始擢
自藩翰渭水兆吉非熊羆立
朝擅風采料敵曾不差
毫厘聖、相承倚時棟入登槐
鼎出擁麾司徒相繼
掾魁軸勢壓諸夏摧附枝一
言寤意尊社稷萬里奔
命來戎夷君臣一体自同德
下鄙漢相矜規隨功成

治定預告老還鄉治第當西
圻十年休佚養冲氣泰
宇冲茂心忻嬉二公勲德誦
人口載于彞鼎歌于詩
吾皇得相柄文武調燮四序
齊瓊璣孟軻嘗稱聖之
任乃曰百世人之師固宜天
畀而元老期願常保松
筠姿規撫載在庙堂上自使
風俗淳澆漓前年台自
大名尹對罷累請菟裘歸帝
曰公今更張固閔煩幾
政留青規兩加金貂百官首
再剖玉麟三水涯洛水
聞之喜且抃如在早歲逢雲
霓朝臨留府暮私第偃
息又將稼再期今春欲作者
英會涓日象值神俱比

謂宜飲食與宴樂對接賓客心忘機康寧壽富復好
德內此巨福全者稀席間諸老盡美傑相得歡甚歌
冠綉飲盈百榼似及文歌有三樂同榮期益監衍溢
遠輿隸割肉醢酒如林池衣冠填咽兩城市車馬照
曜相連漪夜闌百炬列紅燭天寒四座添重幃鉅儒
洒翰序嘉會義薄皎日垂清暉諸公半酣各賦咏舍
毫毫帝魚鱗差詩成累幅燦珠玉光艷疑若陵鈞奎
歌聲穠旒嘯鳶鳳酒氣冷列噴醪醱長篇立刻在金
石楷字高揭當軒墀晉公延賓就綠野謝傅卜宅臨

清溪當時貴客亦有數詎與今日爭光輝謄書遠報
鄴都守開緘摘句情融怡答言遂起歸與興跡雖未
往心先飛三賢事業固同道用舍安得常情知官尊
邦國之柱石望重士林之羽儀退舍進用自殊致大
義公言當以推不能則止固達識陳力可行當有為
聖君知臣賢達節事有輕重須從宜寧拘經禮致為
政自有邦人歌衮衣三台明潤少微爛光彩並照大
紫薇子房辟穀方壯歲張蒼作相當龐眉曾參置酒
坐公府晉賢高蹈來東籬昔人出處固有意造適自

與世推移光陰可惜且行樂任從鷓鴣方春啼

次韵君宴内翰同遊范景仁東園

奎禁限深沈鰲頭雄鼻鼻主人出休沐秋色正明鹿
偶為東園遊便有中林思縱言得造遠覽物增意氣
風清濯煩衿日永忘歸轡朝野本無間簪組何用弃
未必幽棲人識茲真樂地

效范景仁侍郎次韵和君宴端明長句奉呈

龍舒楊守

公居幽絕誰能紀欲到應須勞屐齒從官出入路縈

紆况今又去藩龍舒人在天南居在北鄉心千里雲
山碧山庭不用勒遺文時樂中和歸未得他年若鼎
仙老會洛下諸公盡中外百二十坊山水間甲第相
望門巷對過從不獨賞芳珍造遣何妨談道真回頭
却望朝市裏多少思歸未去人

六月六日訪晁美叔吏部越宿蒙惠長篇因

次其韵

近伏值休澣端居無所為触熱事造請有如穉穢詩
偶到昭德里主人不吾非唯令吏部郎望清秩非界

而與兩銓選事聯相附離每聽人物論尤詳臺閣儀
泐襲茲本源左右遙津涯登朝髻猶綠繼世衣仍緇
欢然久相接甚矣嗟吾衰誰言同趣舍何力能嚙吹
但慚薰葭隨坐對瓊林枝時或把書卷不厭顏生飢
間亦忘形骸任訛嗣宗癡喜君方得塗鴞騰復何疑
豈此哀烏省能留威鳳姿君子遠時用早聞天子知
荷囊與鳴玉獻納死不宜校歲月勞求為法令師

次韵蘇子瞻題李公麟畫馬圖

霜紈橫卷書緇軸以璫瑁囊青絲披面二紗駭人

目筆畫勁利如刀錐龍媒迥出丹青手勢若飛動將
奔馳躡銜如在赤墀立僕御猶縱紅纓羈子受六轡
銜沃若春康駿骨稱天奇云傳畫譜入神品未有墨
客評黃雌六詩形似到作者三馬意象能言之奇蹤
莫辨霸或幹高韻壘倒陸與皮從來人物不常有未
遇真賞何人知君不見開元廐馬四十萬作頌要須
張帝師

元祐癸酉秋九月蒙恩補郡維揚十一月到
治蒞事之始首閱題名前後帥守莫非一時

時豪傑固所欽慕矣然予其間九公頗有寅
緣感舊思矣嗟嘆不足因作長韻題于齋壁
以寄所懷耳

維揚禹九州淮南唐四鎮地據江海衝星占吳楚分
五季劉荒擾我朝亥儲閔督府時稱雄守帥選常遴
由來竹符使莫非邦家聞其間九矣老尤雅萬人俊
太原文章伯師友淵源濬五事陳便宜七制推典訓
屢薦官出崇三已色无愠王元之一登翰林三踐西
掖屢被譴逐皆以直道嘗
作三黜賦其末云今尹无愠予之所師下惠不耻予
其庶幾先祖少舉進士時嘗獲贊見公有池亭詩石

今在岐公老藩朝息愛漢吳晉薦士言有味偃兵功
西圃不陳鼎飪方變和丘園終委順杜公自河南提刑移
鎮于此晁遷淮南轉
運使後登樞府議西師守用策未幾元吳請命登庸
才半歲出藩遂还政居南都十年而薨其薦士于朝
達者最多而子淵哉文肅公生邁休明運三朝翰墨
被遇尤异工二府謀猷奮道卷任推迂名全蔑緇磷或公始以
文學被知
太宗白置館閣真宗仁宗朝再入翰苑通歷
二府兩黜皆由人累再典茲郡兼以壽老致政考終
先生銘鄭公梁棟才天庾璆琳韻大華弟兄同萬事
其墓誌朝廷問佃翔極宰樞終始无疵各郡人安其寬簡去
後作愛思堂以怀其德在郡賦詩仁宗初倦勤魏公
有刻石僧寺予在館閣蒙稱獎

復來勤覲堂：真相尊譽：嘉言進十字篆勛勞大

烈報忠蓋韓公在郡日大葺府城自此方鎮事始

威其墓碑神宗御募十字以表勳烈又配樂安予舊

館早歲窺墻仞儒林仰宗工政府登閣論茲元鼎銘

勳有書傳信予奔進士日歐陽公主文衡誤見賞

尤厚始終不替大明寺平山堂吾友蓬仲父利器黻

研又論經鄙章句縱辨摧凌許訊經緯風志違風流

壯年盡予與侍讀劉公少同硯席每愛其論經義談

友痛惜今雲山閣有句題詩文武唯秀公將相紆双

時會堂唱和詩並刻于石

印入輔復出藩撫淮魚帥潤憶昔獲板稽後來崇慕

蘭陳公伴符離日予為郡從事其後入朝屢同官旬

司宰一代宗累葉清風振繼父漢韋平致君古堯舜

時嘆人云止上嗟天不慤呂公與予少時相對於場

公亮二聖嗟嘆曰國家不幸司馬相呂司空相繼云

昔人企前修景行仰高峻聲氣或相同古遠視猶近

馬廷祿晏嬰羊祐交陸遜異代思執鞭仇鄰通餽餼

粵予望諸賢先後來茲郡既非鎮倍才仍抱終天憾

先公嘗領是砂礫自澄汰鉛漢鎮殊利鈍將書名在

石終慚駕附駸前人固難追遺德猶可徇鞭後志良
勤思齋言亦詎顏慎章在懷年侵霜滿鬢俯仰復奚
為茲賢為俟嘉道

累年告老恩旨未俞詔領祠宮遂還鄉閑燕

閑元事追省平生因成感事述懷詩五言一

百韵示兒孫輩使知遭遇終始之意以代家

訓故言多不及

我昔幼孀初髫童齒未訖嚴親念痴狂小執誘愚鈍

太宰禮曰八歲就外傳教小執履小節始時授章句次第教篇韵我生五歲

先公口授孝經古經詩賦皆成誦又令從諸蒙泉企

父教孝不數年而誦五經習爾雅知声律

層瀾覆篲期九仞十齡獨侍行千里赴朝覲靡依心

向吳能事供在浚應門待賓客睦俗周分親去免

逃杖譽猶冀裕蠹吞天聖中先公服楚國太夫人喪

圖陳公出守餘杭以生妣魏國太夫人久別欲舉同

行時予十歲獨侍先公入都會盛文肅公在翰林薦

先公文館法當進可業使予管勾裝寫進卷及接待

賓客相過諸公皆一時之望予獲侍側頗蒙獎顧時

或仲謨學士坐中試予以十三從師友羣彥得親近

省題詩予賦成尤見賞激箕裘襲素風蘭芷漸腴潤先公年元錫日即

音附近延諸生郡進士華直溫新安閔從先輩數人同結課

予時十三歲與從叔宣甫山甫同硯席預課試後二

年先公通判洪州又延鄉先生萬君特講書予與諸
父及臨川蔡元道元翰昆弟皆同听季時南城李觀
泰伯摯文謁先公亦留館佔畢自忘勞攻堅常切問
齊中得蒙切磋蒙益多矣
六經日沉酣百氏恣蹂躪禮樂原夏商春秋道堯舜
論詩識溫柔講易知謙巽書要通上古史亦斷盡信
復熟中庸篇推名善惡混極書殆今存手澤亦未泯
賴此漸摩益稍知賢聖蘊先公奉美良暇日試筆手
寫中庸一篇付予令熟讀
誦之可以見性命之理其書至今秘藏篋笥十八隨鄉書三冬閱文陣同
時韋帶倫共識試棘闈濬少年事於毫屬辭少繩準
程文竟乖疎貢籍果遺撰予十八預府荐時主司吳
正肅公頗以博孝聖通見

獎便許以遠到此士大夫稍稱道明年春省試
以犯声病格黜不收時主文盛文肅公謂先公曰試
文當在高等以点檢官指摘詩中押声聞字退落誠可惜也內負未蹉跎不能
忘起債既知以声病黜落遂割意賞延輒辭官雅志
將自奮康定元年乾元節推恩近著先公任中書舍
人欵奏荐予乞且應奉先公初不悻既而大
稱許復勉以勤萬又延津安黃晞先生數公置門下
及與長樂王深甫子直清江劉原父兄弟同硯
席凡五六年後予已忝科筆苦手成眠稀目生暈
第往來京師犹相從講論
常患涉獵疎官疎揣摩因再上忝乙科初延習磨楯
網繆結官課奄忽罹憂疹靈光未及賦陟岵遽銜壘
後漢王文考父逸欲為靈光殿賦使文考往魯中訪
求事迹比还及獻此賦父問其故对曰為文損思慮
卷五 十

大人思苦今年高不宜復爾父遂不作先公常戒吾
今習六科業未就而遭大村每痛不及文秀之獻賦
星行赴惟堂兩泣護歸櫬先疇閭嶺遙寓舍京口近
遠近葬營帶郭田地得兼山艮予登科初補宿州觀
之近
堯背先公持服寓金陵朝廷特就移予知江寧縣才
滿秩先公在河夏下世予星行護喪南歸治命以泉
山鄉里道遠不可歸令于昇常間下葬謀居既過京
口舍故人錢起居子高作守治館相留時有道人自
真善山水序以行常潤數州津得令青易坎地起乳
山艮來南交京峴巽岡西北枝艮落即令先公坎術
者皆言善地遂安葬自此謀送往極充窮拊存急賙
居郡中為丹易為鄉里送往極充窮拊存急賙
賑三釜須自謀一官姑孟晉見班固恤孤遂舊知温
故入拾遺爐薦衡荷德璋嗣向憐子駿給札恩特殊

除職選尤遠遂去州夏縣勞入陪臺閣俊予既除表
公長祖母
采國太夫人先妣魏國太夫人在堂及姑諸弟妹未
婚嫁家素無資不暇擇祿急趨銓調授南京留守推
官食貧累歲先友少師趙靖康公少傳孫文簡公洎
諸翰林連章薦文繼先世蒙取索先公遺藁及予投
贊允名試我名先是言事者奏近歲文館太冗乞加
慎選時預試者如梅堯臣宗敏修宋充閣楊忱并弟
愷文詞皆入等止廷秩或賜料名及陞差遣逮予被
荐執政進呈云近臣荐父子文孝優長仁宗問誰
人子執政以先公名对上曰特與試乃試兩題俱書
高年時翰林曹胡揚田四公皆云近與試者惟馮京
蘇皆入高等因此遂校文摘三折食貧歲四閏君
得此益梁丞相所喻校文摘三折食貧歲四閏君
相嘉宿宥圭符假名郡地望号優閑公租稍充物二
偏豐甘旨百口免飢饉予在館閣九年與同舍陳述
古孫全逢俱請外補久之死

敵報同見執政丞相富鄭公問九年不廷未有前比
莫且別移一京局予再三言食貧且久難更伺侯翌
日特為奏陳獨予得汝陰善郡才喜私願諧還叨召
陳孫歲淺得常郡皆常調也

音迅素非幹時才屢試投靈刃治績愧无聞官資謬
超進持橐入記言演綸漫燥吻事无補毫分心常懷

憤懣一言偶寤意三已固無愠予守隸將二年忽被
役三司度支判官又二年出為淮南轉運使願合音

初登極因送虜使還陞特對蒙訪問北甯事願合音
仍宣諭二府故到淮南才五月召還修起居注廷為

西掖掌誥二年因論差除御史事蒙中札台對詢問
本朝故事上初甚以為然及有褒詔无何執政以為

違忤見黜歸班超常朝者一年半遇恩出領東易移
官尹京府以孫純陳世儒事貶梁凡五換推及入

對獄卒死一事結吏諷乃罷濠領孟祥再違金門籍
以先公堯逝之地改知滄州

七換竹使印賜環元豐初解組橫海鎮甯信使約修
周官預詳據居運切見前上號太宮辰奉冊陪發軔

復土裕陵日杖桐方守瑛阻趨七月期莫從百夫殉
予到滄才數月上諭執政云要蘇某來修一書令速

名歸遂有判吏部修官制之命及進对上曰朝廷與
契丹通好歲久故事儀式舊章墮遺散者多每使

人來生事无以折証朕款哀集國朝以來至昨代州
定地畧文崇等以類編次為一朝典章使浚來得僚

籍地畧思非卿不能成之又宣諭云尔日修書臣僚
多廷延歲月只如密院幾要已七八年近方奏請差

人檢閱已令罷之卿該通勤敏此書何日可成對以
按籍浩大筭數十架急編次必須二年不知果可以

成就否上台二年了得甚善有旨就樞密院第四廳
成

寘苟仍許辟官檢討指得密院人更于是晚夕比次
逐時而奏商議立例類不踰期成書二百五十卷奏
稿日上大喜仍御筆賜名華我魯衛信錄事年南郊
加上仁宗英宗徽号予預五史奉冊乘輅入
朝明年先帝升遐予適丁先太夫人憂寓維揚哀
不得預挽紼之列

麻虽未除淚血猶未收誤被兩宮知音頌一札訊入

長天臺班復冠鰲坡峻太夫人服除蒙詔書已除刑部尚書令乘驛赴闕踰月改

吏部二年除翰林承旨按擢登台司咨俞陪坐論屬時久承平

狡兔羗未誅震誅震見陳湯傳任重才難勝位高功易隕丹

衷後蹇、明誠之斤、靡憚噴言煩姑守王臣蓋聖

神眷始終進退礼周盡禁殿陟青規琳宮叩靈牝再

辭淮海藩未許邱園逸予自承旨拜左丞二年恭中

事云予獨主之于閣言即時出省歸私第待罪同列見喻云且須翌日見上略叙陳然後求罷歸全進退之礼予答以宰相一有人言乃是物說不允豈有解紛之礼連上三劄一札復罷拜大李士穎集禧觀使思礼優异近歲未有中謝日兩宮褒語知卿无他意只在避人言其年出守維揚再告老復有宮使之命許還丹陽風霜經六紀蓬葆垂兩髻躬閑猶冠帶祿厚足

儲餽貢餘香龍鳳上尊白羊醞歲時荷恩露漿藿对

餽責予久恭近著俸賜甚厚然族大家虛若不足故每飯不飽非冥容未嘗飲宴每蒙恩賚極知慚

歲春園乘閑灌冬戶隨時墜入對書甲乙出驅車薄

筭扶杖拜先茆携觴問田畷蓄室倦掃除綦几聊憑

隱於新養浩布子與學生同祝賢念昔多艰勤誨尔

宜排憤見美乃在榮遇事驂以新新傳見左競情思昔

非視舌知柔韌高門訓序畏早聞先訓以謂門第高

心遵守常以為戒後因讀柳氏訓刊腹摩甦慎國城

序乃有此語欲使尔輩知以代韋稜唐劉洎少嘗過昇

有石人刊其腹曰摩甦韋慎勿言唐劉洎少嘗過昇

人謂之日君當佐太平得富貴然宜慎甦韋之戒洎

後為侍中以議論名教樂有餘異端戒多奈其要本

不嘗獲譴誠明烏在問圓頓美璞不雕琢安得懷瑜瑾良器不

深藏詎能免瑕學學問不沾洽何由垂望聞去聲見

標守不堅純久必成緇磷進取欲及時行違要无悶

士行惜分陰伯陽嘆往運當年倘因循晚歲必悔恨

更思祖先勛相傳清白訓世胄閱與吳宗姻期及統

衣冠布中外椽土无尺寸逮吾老鄉閭始得管畦畛

蝸廬庇風雨稷田助饗餼幸與仁智隣仍遠市城恩

沈侯東陽居陸叟頤山遜陸希聲退居易義出處雖

殊途豐約已過分予初真京師西岡宅甚隘陋罷相

予谷以曾高以來忝任朝廷下及子孫輩已有官而

四方无尺椽寸土今有此第已為過分比還潤又營

此居處又近耕少沙田追思先世已為華與若考室

非遭遇上惡何由致此但恨未有報國之地耳侯

太上堂肥家在忍順訓序氏常使棟華榮無使荆

卷五

五

枝恣中違須自防外誘不可徇惧尔志悠、故吾言
諄、去力行倘不渝家聲期遠振

蘇魏公文集卷五

光緒戊子湖州陸
心源捐送國子監
之書匱臚南學

